

歷代帝王宅京記卷十

崑山顧炎武著

吳縣朱記榮校刊

成都

漢

三國志蜀先生傳曰建安二十六年夏四月丙午即皇

帝位於成都武擔之南

蜀本紀曰成都丈夫化爲女子顏色美好蓋山精也蜀王娶

以爲妻不習水土疾病欲歸國蜀王留之無幾物故蜀王發卒之成都擔土於成都郭中葬蓋地數畝高七尺

號曰武擔也

諸葛亮傳曰先主詣亮屏人曰漢室傾頽姦臣竊命主上蒙塵孤不度德量力欲信大義於天下而智術淺短遂用猖獗至於今日然志猶未已君謂計將安出亮曰

歷代帝王宅京記卷十一

一
朱氏槐廬校刊

自董卓以來豪傑竝起跨州連郡者不可勝數曹操比於袁紹則名微而衆寡然操遂能克紹以弱爲强者非惟天時抑亦人謀也今操已擁百萬之衆挾天子以令諸侯此誠不可與爭鋒孫權據有江東已歷三世國險而民附賢能爲之用此可與爲援而不可圖也荊州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之土高祖因之以成帝業劉璋闇弱張魯在北民殷國富而不知存恤智能之士思得明君將軍既帝室之胄信義著於四海總攬英雄思義如渴若跨有荊益保其巖阻西和諸戎南撫夷越外結好

孫權內修政理天下有變則命一上將將荊州之軍以
向宛雒將軍身率益州之衆以出秦川百姓孰敢不簞
食壺漿以迎將軍者乎誠如是則霸業可成漢室可興
矣先主曰善

成

晉書李壽載記曰壽廣修宮室引水入城又廣太學起
讌殿

唐書肅宗本紀曰至德二載冬十二月戊午詔曰頃者
上皇在蜀朕亦居岐其以蜀郡爲成都府號南京鳳翔
府爲西京西京爲中京府尹下秋同京兆

地理志曰成郡府益州至德二載曰南京爲府

十二月十五日

歷代帝王宅京記卷十二

朱氏槐廬校刊

上元元年罷京

九月七日

五代史前蜀世家曰王衍起宣華苑苑有重光太清延
昌會眞之殿清和迎仙之官降眞蓬萊丹霞之亭飛鸞
之閣瑞獸之門又作怡神亭與諸狎客婦人日夜酣飲

光緒歲在著雍困敦春月吳縣朱記榮槐廬家塾校刊
歷代帝王宅京記卷十終